

## NACRT

Na osnovu člana 8. i 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, br.49/06), člana 21. Zakona o lokalnoj samoupravi („Službeni glasnik USK-a“, broj: 8/11), člana 57., i 67. Zakona o komunalnim djelatnostima („Službeni glasnik USK-a“, br.4/11), člana 4. Zakona o prekršajima („Službene novine Federacije BiH“, br.31/06), a u vezi sa ciljevima iz člana 1. i 2. Zakona o zaštiti okoliša („Sl.novine Federacije BiH“, br.33/03) i člana 24.stav 1.,tačka 2. Statuta općine Cazin („Službene novine općine Cazin“, broj: 13/10), Općinsko vijeće općine Cazin na \_\_\_\_\_ sjednici održanoj dana \_\_\_\_\_.godine, donijelo je

## **ODLUKA O KOMUNALNOM REDU**

### **Glava prva - Opće odredbe**

#### **Član 1.**

*Ovom odlukom reguliše se obavljanje odredjenih komunalnih djelatnosti zajedničke komunalne potrošnje, komunalni red, te prava i obaveze fizičkih i pravnih lica na području općine Cazin*

#### **Član 2.**

*Obavljanje komunalnih djelatnosti, održavanje i provodjenje komunalnog reda doprinosi uredjenju i zaštiti čovjekovog životnog i radnog okoliša i obezbjedjenju osnovnih sanitarno higijenskih uslova za normalno funkcionisanje naselja, a sve u cilju zaštite zdravlja stanovništva.*

#### **Član 3.**

*Obavljanje komunalnih djelatnosti i održavanje komunalnog reda u skladu sa ovom odlukom obuhvata:*

- 1. Čišćenje, pranje i održavanje javnih površina i objekata;*
- 2. Održavanje zelenih i rekreacionih površina;*
- 3. Ulice, trgovi i druge javne površine;*
- 4. Zauzimanje javnih površina;*
- 5. Zimska javna higijena;*
- 6. Javna rasvjeta;*
- 7. Urbana oprema;*
- 8. Obavljanje poslova higijeničarske službe;*
- 9. Oprema za regulaciju saobraćaja;*
- 10. Pokretne naprave;*
- 11. Plakatiranje i uredjenje spoljnih dijelova zgrada;*
- 12. Odlaganje ogrijevnog materijala;*
- 13. Dekoracija grada ;*
- 14. Uredjenje ograda, vrtova, voćnjaka i drugih površina i prostora;*

## *15. Posebne mjere zaštite komunalnog reda;*

### *Član 4.*

*Nadzor nad provođenjem odluke (obavljanjem komunalnih djelatnosti i provođenjem komunalnog reda) obuhvata:*

- 1. Upravni nadzor ;*
- 2. Rad komunalnih redara ;*
- 3. Inspekcijski nadzor ;*
- 4. Kaznene odredbe ;*
- 5. Donošenje normativnih akata od značaja za primjenu ove odluke.*

### *Član 5.*

*Komunalne djelatnosti su od javnog interesa i obavljaju se kao javne službe.*

*Komunalne djelatnosti podrazumijevaju pružanje komunalnih usluga od interesa za fizička i pravna lica, te financiranje komunalnih djelatnosti, izgradnju, korištenje, upravljanje i održavanje objekata i uređaja komunalne infrastrukture, kao cjelovitog sistema na području općine.*

### *Član 6.*

*Javna ustanova „Komunalno stambeni fond“ Cazin (u daljem tekstu: Komunalno - stambeni fond) u cilju ostvarivanja javnog interesa ima posebne obaveze i odgovornosti za obezbjeđivanje i obavljanje organizovanog i planskog razvoja komunalnih djelatnosti, prikupljanja sredstava i financijskog posredovanja u skladu sa ovom odlukom.*

### *Član 7.*

*Obavljanje komunalnih djelatnosti (pružanje komunalnih usluga) i davanje na upravljanje i održavanje komunalnih objekata i uređaja na području općine Cazin vrše javna preduzeća po osnovu odluke o osnivanju.*

*Obavljanje poslova iz prethodnog stava može se povjeriti i drugim subjektima (davaocima komunalnih usluga) po osnovu ugovora kojim se regulišu međusobna prava i obaveze.*

### *Član 8*

*Predmet nadzora po ovoj Odluci obuhvata javne površine, javne komunalne objekte i uređaje, stambene objekte kolektivnog stanovanja i individualne stambene objekte obuhvaćene javnim uslugama, održavanjem i provođenjem komunalnog reda.*

*To se posebno odnosi na:*

- 1. Upravljanje, korištenje, čišćenje, održavanje i mjere zaštite javnih površina i javnih komunalnih objekata i uređaja;*

*2. Uslove i način obavljanja komunalnih djelatnosti, uslove i način opskrbe korisnika komunalnih usluga, međusobne odnose davaoca i korisnika komunalnih usluga, način obračuna i plaćanja naknade za dobijene (isporučene) komunalne usluge i mogućnosti uskraćivanja komunalne usluge;*

#### *Član 9.*

*Javne površine su zemljišne ili vodne površine koje su detaljnim planskim dokumentom, numerički i grafički, ili samo grafički, definisane i namijenjene za obavljanje javnih funkcija, djelatnosti i aktivnosti i koje su kao takve dostupne individualno neodređenim fizičkim ili pravnim osobama.*

#### *Član 10.*

*Kao javne površine u smislu ove odluke smatraju se:*

- 1. Ulice (kolovozi i trotoari), ulični travnjaci, parkirališta, u naseljima i van naselja, putevi, straze, trgovi, prolazi, nadvožnjaci, stepeništa, mostovi (u daljem tekstu: površine javnog saobraćaja),*
- 2. Peroni autobusne stanice, autobusna stajališta i benzinske pumpe,*
- 3. Parkirališta i parking prostori,*
- 4. Tržnice i pijace,*
- 5. Zelene površine: (parkovi, drvoređi, živice, travnjaci, cvijetne površine, park šume), utvrđeni urbanističkim planom, groblja i spomen obilježja,*
- 6. Obale rijeka i potoka i ade na rijekama,*
- 7. Sportski tereni (stadioni, rekreacioni centri, strelišta i dječija igrališta),*
- 8. Javne plaže i kupališta,*
- 9. Uređene i neuređene površine između stambenih i drugih objekata u gradu i naseljima u državnoj svojini.*

#### *Član 11.*

*Javni objekti su objekti u kojima se obavljaju javne djelatnosti i aktivnosti dostupne individualno neodređenim fizičkim ili pravnim osobama.*

#### *Član 12.*

*Kao javni objekti u smislu ove odluke smatraju se:*

- 1. Ugostiteljski objekti,*
- 2. Trgovinski objekti,*
- 3. Tržnice na malo, stočne pijace, dogoni,*
- 4. Radnje i prostori za pružanje zanatskih usluga,*
- 5. Objekti javnog putničkog saobraćaja,*
- 6. Objekti školskih i predškolskih ustanova,*
- 7. Objekti kulturnih ustanova i organizacija,*
- 8. Sportski objekti,*
- 9. Objekti za pružanje medicinskih i veterinarskih usluga,*

10. *Objekti za razonodu i odmor,*
11. *Benzinske stanice i autopraone,*
12. *Objekti državnih organa i ustanova,*
13. *Objekti organizacija koje vrše javnu službu,*
14. *Groblja, spomen obilježja i spomenici, i*
15. *Drugi javni objekti i uređaji koji služe za zadovoljavanje osnovnih potreba građana (razne posude za otpad, klupe za sjedenje, fontane, protivpožarni hidranti, javni zahodi, telefonske govornice, table sa planom grada, javni satovi i slično).*

## **Glava druga - Obavljanje komunalnih usluga i održavanje komunalnog reda**

### **1. Čišćenje, pranje i održavanje javnih površina i objekata**

#### **Član 13.**

*Pod održavanjem čistoće na javnim površinama podrazumijeva se čišćenje i pranje asfaltiranih, betonskih, popločanih i zelenih javnih površina, sakupljanje, transport, tretman i odlaganje komunalnih otpadaka sa tih površina, nastalog u okviru djelatnosti zajedničke komunalne potrošnje, te uklanjanje snijega i leda.*

*Pod održavanjem čistoće na javnim površinama smatra se i postavljanje i održavanje korpi, posuda i kontejnera za otpadke.*

#### **Član 14.**

*Pod održavanjem javnih saobraćajnih površina u naselju podrazumijevaju se poslovi održavanja i modernizacije javnih saobraćajnih površina (ulice, kolovozi, pločnici, putevi, prilazi, prolazi, trgovi, trotoari, mostovi, stepeništa van zgrada, autobusna stajališta i drugo), dijelovi javnih cesta koje prolaze kroz naselja, kada se ti dijelovi ne održavaju kao javne ceste prema posebnim propisima, održavanje horizontalne i vertikalne signalizacije i održavanje nekategorisanih cesta.*

#### **Član 15.**

*Pod održavanjem javnih površina podrazumijevaju se poslovi uređenja i redovnog održavanja zelenih i rekreativnih površina (javne zelene površine, zelene površine stambenih, odnosno urbanih gradskih cjelina, pješačke staze, površine za rekreaciju na otvorenom prostoru, dječijih igrališta, zaštitna područja i zaštitni zeleni pojasevi infrastrukturnih sistema, ako nije uređeno posebnim propisom, površine uz uređenje i neuredjenje obale rijeka i vodotoka, ako nije uređeno posebnim propisom) i drugih površina koje posebnim propisom budu utvrđene kao javne površine.*

## Član 16.

*Na javnim površinama i javnim objektima zabranjeno je:*

- 1. Neovlašeno premještanje, uklanjanje i isključivanje iz upotrebe,*
- 2. Namjerno oštećivanje ili onesposobljavanje u bilo kom obimu, odnosno korištenje protivno namjeni,*
- 3. Vršenje ostalih nedozvoljenih ili propuštanje obavljanja obaveznih radnji na javnim površinama i javnim objektima.*

## Član 17.

*Investitori radova na javnim površinama, javnim i drugim objektima dužni su da poslije završetka radova na postavljanju podzemnih i nadzemnih instalacija, uređaja i objekata, kao i izvodjenja drugih radova, o svom trošku otklone sva nastala oštećenja i u svemu uspostave pređašnje stanje.*

*Općinska služba za upravu nadležna za izdavanje dozvole za izvođenje radova iz stava 1 ovog člana, dužna je da u rješenju o dozvoli odredi rok za izvođenje radova i uspostave pređašnjeg stanja.*

## Član 18.

*Ukoliko investitor ne uspostavi pređašnje stanje u datom roku Općinska služba za upravu donijet će rješenje o izvršenju radova na teret investitora.*

*Ukoliko investitor ne postupi na način određen rješenjem nadležnog općinskog organa izdatim na osnovu odredaba ove odluke, u svemu će se primjenjivati odredbe Zakona o upravnom postupku o izvršenju rješenja.*

## Član 19.

*Održavanje čistoće i tekuće održavanje na javnim površinama, javnim zelenim površinama i određenim javnim komunalnim objektima u državnoj svojini koji se nalaze na upravljanju kod Komunalno- stambenog fonda iz člana 10. i 12. ove odluke, kao i poslovi iz člana 13., 14. i 15.. ove odluke vrše se prema programu održavanja javne higijene (uključujući i zimsko održavanje) kojeg donosi Komunalno stambeni fond po pribavljenoj saglasnosti Općinskog vijeća.*

*Program iz prethodnog stava donosi se najkasnije do 31.januara tekuće godine.*

*Programom održavanja javne higijene utvrđuju se javne površine, objekti i poslovi čišćenja i tekućeg održavanja sa utvrđenim terminima, obimom, kvalitetom, rokovima i nadzorom izvršenja poslova.*

## Član 20.

*Poslove propisane programom obavljaju preduzeća i druga registrovana lica koja su osposobljena za obavljanje tih poslova prema ugovoru koji sklapaju sa Komunalno – stambenim fondom.*

*Za poslove koji ne obuhvataju zimsko održavanje ugovor se sklapa najkasnije u roku od 30 dana od dana donošenja programa, a za poslove zimskog održavanja ugovor se sklapa najkasnije do 15 oktobra tekuće godine.*

#### **Član 21.**

*Program u dijelu zimskog održavanja sadrži:*

- *Prioritet čišćenja gradskih saobraćajnica,*
- *Broj i vrstu sredstava za čišćenje snijega,*
- *Pripravnost ljudstva i sredstava,*
- *Prioritet odvoza snijega iz grada i naselja,*
- *Obavezu posipanja trotoara i kolovoza industrijskom solju i drugim dozvoljenim materijalom.*

#### **Član 22.**

*Pored obaveza iz člana 19. Ju Komunalno-stambeni fond dužna je izvršiti i radove nužnih popravki i sanacije na javnim saobraćajnim površinama, a naročito u slučajevima :*

- 1. Težih površinskih oštećenja u vidu udarnih rupa i ulegnuća na ulicama, trgovima, trotoarima i drugim javnim saobraćajnim površinama,*
- 2. Oštećenja znakova horizontalne i vertikalne signalizacije,*
- 3. Otklanjanju uzroka nefunkcionalnosti šahтова, rešetki, kanala i propusta za oborinske vode,*

#### **Član 23.**

*O čišćenju, redovnom održavanju dobrog stanja i funkcionalnosti, zaštiti, rekonstrukciji i modernizaciji javnih površina, objekata i uređaja iz člana 10. i 12. ove Odluke (koji nisu na upravljanju kod Komunalno – stambenog fonda) staraju se pravna i fizička lica kojima su te površine, objekti i uređaji prenešeni na upravljanje, ili su u vlasništvu, odnosno na korištenju kod tih lica.*

#### **Član 24.**

*U cilju održavanja i zaštite životne sredine, na javnim površinama zabranjeno je:*

- 1. Odlaganje na javnu površinu van korpi i posuda za otpadke: papira, ambalaže, kabastih predmeta, smeća, zemlje, pijeska i slično,*
- 2. Novlašteno korištenje javne površine za ostavljanje i smještaj ogrijeva, robe, ambalaže, građevinskog materijala, zemlje, pijeska, starih automobila, napuštenih uređaja i sličnog,*
- 3. Parkiranje vozila na način kojim se korisniku uličnog hidranta onemogućuje pristup hidrantu,*
- 4. Parkiranje vozila na uličnim slivnicima,*
- 5. Postavljanje na javnu površinu predmeta koji mogu remetiti kretanje pješaka, povrijediti prolaznike i sličnog,*
- 6. Prljanje, šaranje, oštećivanje i zagađivanje zgrada, javnih, vodovodnih, telefonskih, sanitarnih i dr. uređaja i njihovih dijelova, blaćenje izloga i fasada prilikom pranja ulica, lijepljenje plakata bez dozvole i izvan mjesta određenih za tu svrhu,*

7. *Polijevanje ili ispuštanje na javne površine prljavih i masnih tečnosti, boja, maziva, ulja, tekućih goriva, kreča, životinjskog izmeta i fekalija,*
8. *Dovoženje na javne površine otpadaka životinjskog porijekla i fekalija, kao i upotrebljavanje tih otpadaka i fekalija za đubrenje.*
9. *Prljanje javnih površina na dr. način (vršenjem nužde, pljuvanjem, bacanje opušaka od cigareta, bacanjem otpadaka kroz prozor i sl.),*
10. *Prevoženje životinjskog izmeta i fekalija vozilima koja nisu podešena za prijevoz takvog tereta,*
11. *Pranje vozila na javnim površinama,*
12. *Opravljanje i servisiranje (mijenjanje ulja) vozila i obavljanje drugih zanatskih radova na javnim površinama,*
13. *Ispuštanje atmosferskih voda, fekalnih i drugih otpadnih voda,*
14. *Neovlaštena sječa drveća i uništavanje ukrasnog bilja,*
15. *Nepropisno držanje životinja i njihovo izvođenje i ispaša na javnim zelenim površinama,*
16. *Paljenje otpadaka, odnosno smeća,*
17. *Odlaganje životinjskih leševa i konfiskata,*
18. *Oštećivati fontane, kupati se, prati rublje, vozila i druge predmete uz fontanu.*

#### **Član 25.**

*Na javnim površinama iz člana 10. ove odluke postavljaju se korpe, posude, kontejneri i druge odgovarajuće posude za skupljanje otpada, gdje ne ometaju saobraćaj vozila i pješaka.*

*Korpe za otpadke i sudovi za smeće moraju se uredno prazniti i održavati, a oblik određuje Općinski fond u saradnji sa komunalnim preduzećem.*

*Mjesta na kojima se postavljaju korpe i sudovi za smeće određuje Komunalno – stambeni fond i komunalno preduzeće.*

#### **Član 26.**

*Na javnim površinama može se vršiti istovar namještaja, uglja, drva, pijeska, kamena, kreča i drugog materijala, ako ne postoji mogućnost da se isti vrši direktno u dvorište ili druge površine korisnika, uz obavezu da se materijal mora ukloniti sa javne površine u roku od 48 sati od momenta istovara, a površine očistiti.*

*Za duže zauzimanje javnih površina obavezno je pribaviti odobrenje od nadležnog općinskog organa uprave.*

#### **Član 27.**

*Prilikom izvođenja radova na površinama javnog saobraćaja izvođač radova je dužan da obezbijedi da se zemlja ne rastura, a ostali građevinski i drugi materijal da se drži u sanducima i ogradama.*

*Pri izvođenju radova na fasadama izvođač je obavezan postaviti zaštitne zavjese od jute ili sličnog materijala, kako bi se spriječila mogućnost povređivanja prolaznika i prljanja javnih površina ukoliko je objekat udaljen od ulice ili trotoara manje od 10 m.*

*Po završenim radovima moraju se odmah ukloniti zemlja, građevinski materijal i otpaci, a javna površina dovesti u prvobitno stanje.*

#### **Član 28.**

*Izvođač građevinskih radova na javnim površinama, javnim objektima i zemljištima koja graniče sa javnim površinama, dužan je da na gradilištu obezbijedi slijedeće:*

- 1. Gradilište ogradi, radi sprečavanja nekontrolisanog pristupa ljudi. Dijelovi gradilišta koji se ne mogu ograditi moraju biti zaštićeni određenim prometnim znakovima ili označeni na drugi način,*
- 2. Visina postavljene ograde mora biti najmanje 2 metra tako da obezbjedjuje sigurnost prolaznika i da estetski ne odudara od okoline.*
- 3. Čisti javne površine, ispred i oko gradilišta, sve dokle dopire rasturanje materijala, blata i druge nečistoće,*
- 4. Polijeva trošni materijal za vrijeme rušenja, da bi se spriječilo podizanje prašine,*
- 5. Održava čistoću na slivnicima i šahtovima u neposrednoj blizini gradilišta,*
- 6. Čisti vozila prije njihovog izlaska sa gradilišta, poliva vodom prilazne puteve do gradilišta koji prolaze kroz naselja,*
- 7. Deponuje i obezbjeduje građevinski materijal od rasturanja i raznošenja na javne površine.*
- 8. Održava na gradilištu red i čistoću.*

#### **Član 29.**

*Čišćenje i pranje javnih površina vrši komunalno preduzeće registrovano za tu djelatnost na osnovu ugovora sa Komunalno – stambenim fondom i to u vremenskom periodu od 15. marta do 15. novembra (ljetna javna higijena grada) i od 15. novembra do 15. marta (zimski javna higijena grada).*

*Bez obzira na program i plan održavanja čistoće, pranje javnih površina ne može se vršiti ako je temperatura vazduha niža od + 5 stepeni C i ako je javna površina pokrivena susnježicom.*

*Prije pranja ulica iste treba prethodno očistiti.*

## **2. Održavanje zelenih i rekreacionih površina**

#### **Član 30.**

*O održavanju i zaštiti javnih zelenih i rekreacionih površina stara se Komunalno - stambeni fond .*

*Program održavanja, uređenja javnih zelenih i rekreacionih površina, kao i izgradnje novih zelenih površina donosi se najkasnije do 31. januara tekuće godine.*

*Poslove propisane programom obavljaju preduzeća i druga registrovana lica koja su osposobljena za obavljanje tih poslova prema ugovoru koji sklapaju sa Komunalno – stambenim fondom i drugim uslovima propisanim u članu 19 i 20. ove odluke.*



### Član 31.

*Zelene i rekreacione površine podrazumijevaju:*

1. *Javne zelene površine ( park – šume, parkovi, drvoredi, skverovi, travnjaci, zelenilo uz saobraćajnice i slično);*
2. *Zelene zone, odnosno pojasevi, kojima se sprečava neplanirano širenje naselja i koje imaju različite rekreacione i zaštitne namjene;*
3. *Zelene površine stambenih, odnosno urbanih cjelina,*
4. *Zelene površine posebne namjene (groblja, spomen obilježja i slično);*
5. *Površine za rekreaciju i masovni sport na otvorenom prostoru ( igrališta, izletišta, šetališta, sportski tereni, kupališta, vježbališta, strelišta, kros i trim staze i slično);*
6. *Zelene površine uz obale rijeka i jezera;*

### Član 32.

*Stabla drvoreda, pojedinačna stabla koja se nalaze u blizini objekata moraju se održavati tako da ne smetaju funkciji objekta.*

*Stabla i grane ne smiju smetati javnoj rasvjeti i ugrožavati bezbjednost javnog saobraćaja. Stabla i grane koje smetaju zračnim vodovima, električnim, telefonskim, telegrafskim i drugim linijama smije orezivati ili sjeći i uklanjati samo stručna organizacija koja vrši održavanje zračnih vodova.*

*Vlasnici ili korisnici zemljišta na kome se nalazi drvo dužni su, kad to zahtijevaju razlozi iz prethodnog stava, dozvoliti izvršenje radova na sjeći stabala ili grana. Troškovi oko obavljanja tih radova, kao i naknada štete padaju na teret organizacije u čijem interesu se radovi izvode.*

### Član 33.

*Ako je stablo dotrajala u toj mjeri da od njegovog pada prijete opasnost po živote i imovinu, dužan ga je vlasnik, odnosno organizacija kojoj je povjerena na upravljanje određena površina ukloniti po naređenju komunalne inspekcije.*

### Član 34.

*U cilju zaštite javnih zelenih i rekreacionih površina i njihovog održavanja zabranjuje se:*

1. *Neovlaštena sječa ukrasnog grmlja i drveća bez predhodnog odobrenja nadležnog organa,*
2. *Bilo kakva oštećivanja,*
3. *Gaženje, hodanje i ležanje po travnjacima,*
4. *Bacanje papira i otpadaka, istresanje smeća, prašine, pepela, bacanje orezanog šiblja, grmlja i sličnog na zelene površine,*
5. *Kopanje i odnošenje humusa, kamenja, pijeska drugih sastojaka sa zelenih površina,*
6. *Puštanje na ispašu domaćih životinja na zelene površine i šumske kulture,*
7. *Hvatanje i ubijanje ptica, te skidanje i oštećenje gnijezda,*
8. *Vožnja biciklom i trokolicom, motornim vozilima, parkiranje na zelenim površinama.*

9. *Sankanje i klizanje na zelenim površinama gdje to nije izričito dozvoljeno,*
10. *Kampovanje i postavljanje šatora na mjestima gdje to nije dozvoljeno od strane nadležnog organa,*
11. *Loženje vatre i uskladištenje ogrijeva,*
12. *Upotreba u druge namjene površina određenih za dječije igre i korištenje sprava za igru od strane odraslih osoba, kao i upotreba ovih sprava suprotno njihovoj namjeni,*
13. *Ležanje i spavanje na parkovskim klupama i korištenje klupa u svrhu i na način koji nije uobičajen,*
14. *Pranje vozila na javnim površinama uz riječna korita i potoke, na plažama i zagađivanje otpadnim uljima vodotoka,*

### **3. Ulice, trgovi i druge javne površine**

#### **Član 35.**

*Izvodjenje građevinskih i drugih radova na ulicama, trgovima i drugim javnim površinama dozvoljeno je ako za te radove postoji propisana tehnička dokumentacija.*

#### **Član 36.**

*Svi otvori (šahtovi, okna i slivnici) na ulicama, trgovima, trotoarima, parkovima, dvorištima, hodnicima i drugim sličnim mjestima, moraju uvijek biti u ispravnom i čistom stanju.*

*Otvorima u smislu prethodnog stava smatraju se naročito:*

- a) *otvori za vodovod, kanalizaciju, električne, telefonske i telegrafске kablove i druge instalacije,*
- b) *otvori za ubacivanje ogrijeva i drugog materijala, podrumski prozori, otvori za osvjetljavanje i slično.*

#### **Član 37.**

*O održavanju otvora i drugih instalacija staraju se preduzeća i druga lica koja te otvore koriste ili su im preneseni na upravljanje.*

*O održavanju otvora za ubacivanje ogrijeva i drugog materijala, podrumskih prozora, otvora za osvjetljavanje prostorija i drugih sličnih otvora, stara se organizacija ili organ koji upravlja zgradom odnosno vlasnik ili korisnik zgrade.*

#### **Član 38.**

*Raskopavanje kolovoza ulica po širini vrši se po etapama, tako da jedna strana kolovoza uvijek bude osposobljena za odvijanje saobraćaja.*

*Ukoliko su radovi takve prirode da se ne mogu vršiti na ovakav način, investitor je dužan da u saglasnosti sa organima nadležnim za regulisanje saobraćaja, ulicu zatvori, postavi propisane oznake i radove obavi u najkraćem roku predviđenom za građenje.*

*Ukoliko se raskopavanje trotoara vrši po širini izvođač radova je dužan da odgovarajućim sredstvima osigura bezbjedan prelaz pješaka preko iskopa.*

#### **4. Zauzimanje javnih površina**

##### **Član 39.**

*Zabranjeno je zauzimanje javnih površina za privremeno postavljanje pokretnih naprava, urbane opreme, raznih predmeta, pokretnih objekata i opreme, bez prethodno dobijene Saglasnosti ili Odobrenja.*

*Saglasnosti za privremeno zauzimanje javnih površina izdaje Komunalno stambeni fond.*

*Odobrenja za privremeno zauzimanje javnih površina izdaje Općinska služba za upravu nadležna za komunalne poslove.*

##### **Član 40.**

*Saglasnosti i Odobrenja izdaju se u skladu sa propisanim uslovima iz općinske Odluke o privremenom zauzimanju javnih površina na području općine Cazin i prema Programima zauzimanja javnih površina koje donosi Općinsko vijeće.*

*Licima kojima je odobreno privremeno zauzimanje javnih površina, dužni su se u cjelosti pridržavati propisanih uslova iz dobijene Saglasnosti ili Odobrenja*

##### **Član 41.**

*Ukoliko nisu ispunjeni uslovi propisani u izdatoj Saglasnosti ili Odobrenju, izdavalac Saglasnosti i Općinska služba za upravu koja je izdala Odobrenje, pokrenuće postupak ukidanja izdatih Saglasnosti i Odobrenja po službenoj dužnosti ili po prijedlogu općinske komunalne inspekcije.*

#### **5. Zimska javna higijena**

##### **Član 42.**

*Vlasnici i korisnici javnih objekata iz člana 12 dužni su očistiti snijeg i led sa vlastitih površina na način da se obezbijedi nesmetan prilaz i funkcionisanje objekta.*

*Vlasnici stambenih i poslovnih objekata koji graniče sa javnim površinama, prilaznim putevima, trotoarima, trgovima, skverovima i prolazima, moraju na krovove ugraditi snjegobrane.*

##### **Član 43.**

*Zabranjeno je:*

- iznošenje i gomilanje snijega iz dvorišta, bašta i drugih slobodnih površina na ulice i trotoare,*

- bacanje snijega ispred zgrada na ulice,
- zatrpavanje snijegom i ledom slivnika i šahtova,
- deponovanje snijega i leda u parkove i na zelene površine.

## 6. Javna rasvjeta

### Član 44.

*O rekonstrukciji i održavanju instalacija i drugih uređaja javnog osvijetljenja stara se Komunalno-stambeni fond.*

*Objekti javne rasvjete održavaju se u ispravnom, čistom i urednom stanju.*

## 7. Obavljanje poslova higijeničarske službe

### Član 45.

*Pod obavljanjem poslova higijeničarske službe podrazumijeva se stalno i sigurno uklanjanje životinja, pasa lotalica, leševa životinja, određenih nejestivih nusproizvoda klanja, konfiskata i valioničkog otpada sa javnih površina.*

*Poslovi higijeničarske službe spadaju u poslove javne higijene i planiraju se Programom održavanja javne higijene kojeg donosi Komunalno-stambeni fond za svaku godinu, u skladu sa članom 19. ove odluke.*

### Član 46.

*Poslovi higijeničarske službe padaju na teret Komunalno – stambenog fonda.*

*Obavljanje poslova higijeničarske službe vrše pravna ili fizička lica, po osnovu ugovora zaključenog sa JU „Komunalno stambeni fond“ Cazin.*

*Ugovori se zaključuju najkasnije u roku od 30 dana od dana donošenja Programa održavanja javne higijene za tekuću godinu.*

## 8. Urbana oprema

### Član 47.

*Pod elementima urbane opreme u smislu ove Odluke smatraju se javni objekti i uređaji u općoj upotrebi, montažni prenosivi objekti - kiosci, pokretne naprave, ljetne bašte, oprema za dodatnu regulaciju prometa, (zaštitni stubići, zaštitne ograde, cvjetne vazne i slično), putokazi, oprema za reklamiranje, oprema za plakatiranje, te oprema i uređaji koji se postavljaju na vanjske dijelove zgrada.*

*Urbana oprema može se postavljati samo na način da svojim položajem i smještajem što bolje udovolji svrsi i namjeni za koju se postavlja.*

#### **Član 48.**

*Na području općine Cazin postavljanje elemenata urbane opreme vrši se uz prethodno izdato Rješenje nadležne službe Općinskog organa uprave, kojim se odobrava postavljanje urbane opreme.*

*Zabranjeno je urbanu opremu i uređjaje koristiti u druge svrhe, osim onih za koje je dobijeno odobrenje.*

#### **Član 49.**

*Vlasnici urbane opreme i uređjaja, odnosno ovlaštena pravna ili fizička lica kojima je ista data na upravljanje, korištenje, u zakup i slično, moraju istu održavati u urednom i ispravnom stanju.*

### **9. Oprema za regulaciju saobraćaja**

#### **Član 50.**

*Održavanje vertikalne i horizontalne signalizacije i druge opreme za regulaciju saobraćaja na javnim saobraćajnim površinama koje su u nadležnosti Komunalno-stambenog fonda vrši taj fond.*

*Održavanje opreme za regulaciju saobraćaja u sklopu magistralnih cesta vrši JP Direkcija cesta Federacije Bosne i Hercegovine, a u sklopu regionalnih cesta Ju Direkcija regionalnih cesta USK-a.*

*Saobraćajni znaci i ostala oprema održavaju se u ispravnom, čistom i urednom stanju.*

### **10. Pokretne naprave**

#### **Član 51.**

*Pokretnom napravom u smislu ove Odluke podrazumijeva se lako prenosivi objekat koji služi za prodaju određene robe ili za vršenje određenih usluga: štandovi, tezge, klupe, stolovi, automati i naprave za prodaju raznih artikala, rashladni uređjaji za prodaju pića, napitaka i sladoleda, ugostiteljske i druge prikolice, naprave za pečenje kestena, kukuruza, kokica, pomfrita, palačinka i slično, naprave za čišćenje obuće, vaganje i slično.*

#### **Član 52.**

*Pokretnom napravom u smislu ove Odluke podrazumijevaju se i predmeti koji se postavljaju:*

*a) u svrhu organiziranja otvorenih terasa ugostiteljskih objekata (stolice, cvjetne vazne, suncobrani, tende, pokretne ograde i ostala oprema u svrhu obavljanja ugostiteljske djelatnosti),*

*b) u svrhu prezentiranja prodajnog asortimana ispred zanatskih i drugih poslovnih radnji, prezentacije dobitaka lutrije, nagradnih igara i slično,*

c) u svrhu organiziranja zabava ( cirkusi, šatori, luna parkovi, zabavne radnje i slično,

d) u svrhu organiziranja manifestacija za vrijeme državnih međunarodnih praznika, vjerskih blagdana, godišnjica, sportskih događaja i drugih manifestacija, svrhe reklamnog sadržaja i druge svrhe.

#### Član 53.

Postavljene pokretne naprave na javnim površinama i njihova okolina moraju se držati urednim i u ispravnom stanju, te se zabranjuje njihovo oštećivanje, prljanje, šaranje, plakatiranje i lomljenje.

#### Član 54.

Organizatori manifestacija i skupova obavezni su tokom održavanja i nakon održanih manifestacija i skupova, u roku od najviše 24 sata osigurati čišćenje javnih površina i javnih objekata.

Ako površine i objekti iz stava 1.ovog člana ne budu očišćeni i dovedeni u prvobitno stanje u datom roku, po nalogu općinske komunalne inspekcije očistit će ih za to ovlaštena i stručna organizacija, preduzeće ili drugo pravno ili fizičko lice, a na teret organizatora manifestacije ili skupa.

### **11. Plakatiranje i uređenje spoljnih dijelova zgrada**

#### Član 55.

Zabranjeno je na balkonima, lodjama i terasama gomilanje starih stvari,ostataka namještaja i sličnih predmeta koji narušavaju estetski izgled objekta.

Na balkonima, terasama, lodjama, prozorima, kao i drugim dijelovima zgrade, zabranjeno je istresanje prostirača, stolnjaka, posteljine i sličnog, bacanje otpadaka, ocjedjivanje, ispuštanje i proljevanje vode, te vršenje drugih radnji koje dovode do prljanja i narušavanje izgleda objekata i javnih površina.

Spoljni dijelovi izloga (drveni i metalni okviri) moraju se prema potrebi bojati, a staklene površine redovno prati.

#### Član 56.

Table za isticanje objava, oglasa, poziva i obavještenja , kao i drugi objekti slične namjene, mogu se postavljati samo na mjestima koja odredi nadležna Općinska služba za upravu.

Komunalno stambeni fond dužan je obezbjediti uslove da objekti iz prethodnog stava budu redovno održavani, a da zastarjeli oglasi i slične objave budu redovno uklanjani.

#### Član 57.

Plakati, reklame, objave, oglasi, pozivi i slično, mogu se lijepiti samo na oglasne table i objekte koji su postavljene za te svrhe.

*Izuzetno od stava 1. ovog člana, plakati, reklame i druga obavještenja mogu se lijepiti i unutar izloga, ukoliko to dozvole vlasnici ili korisnici tih objekata.*

#### **Član 58.**

*Plakati, reklame i druga obavještenja moraju biti javno istaknuti, ispisani čitko i estetski komponovani.*

*Tekst plakata, reklama i drugih obavještenja ne smiju svojim sadržajem da vrijeđa razna nacionalna i vjerska osjećanja građana, te da utiče na kršenje etičkih i moralnih principa i stvara nelojalnu konkurenciju među organizacijama, preduzećima, samostalnim zanatlijama i slično.*

### **12. Odlaganje ogrijevnog materijala**

#### **Član 59.**

*Za istovar ogrijevnog materijala (drva, uglja i slično), te za rezanje i cijepanje drva izuzetno se mogu koristiti javne površine do zgrada za kolektivno stanovanje, ali samo u slučaju da se time ne ometa saobraćaj vozila i pješaka.*

*Ogrijevni materijal mora se ukloniti sa javne površine najkasnije u roku od 48 sati, a korištena površina mora se očistiti i oprati, a oštećenja sanirati.*

#### **Član 60.**

*Općinsko vijeće, na prijedlog nadležne službe za prostorno uređenje i komunalne djelatnosti Općinskog organa uprave u roku od 90 dana, od dana stupanja na snagu ove odluke, donijet će Program lokaliteta za odlaganje ogrijeva u dvorištima zgrada za kolektivno stanovanje u kojima ne postoje podrumi ili za to posebno uređene prostorije.*

*Sastavni dio Programa čini jedinstveno idejno rješenje drvarnica za smještaj ogrijevnog materijala.*

### **13. Dekoracija grada**

#### **Član 61.**

*Dekoraciju grada vrši Komunalno stambeni fond u saradnji sa organizatorom javne manifestacije, Općinskom službom za upravu i komunalnim preduzećem.*

*Prilikom uređenja grada, po ulicama, kao i drugim javnim površinama ističu se zastave i drugi prigodni transparenti i oznake, postavlja se dekorativno zelenilo, sve ulice posebno čiste, polijevaju i peru.*

*Izvršenje poslova iz prethodnog stava povjerava se komunalnim preduzećima, drugim ovlaštenim i stručnim organizacijama, mjesnim zajednicama i građanima.*

#### **Član 62.**

*Za vrijeme državnih praznika, kao i drugih proslava, značajnih datuma i svečanosti, komunalno preduzeće, mjesne zajednice, druga preduzeća, vlasnici ili korisnici poslovnih ili stambenih, objekata, dužni su naročito pažnju posvetiti uređenju i održavanju objekata, površina i prostora koji pripadaju tim objektima ili ih koriste.*

#### **Član 63.**

*Na svim javnim objektima, gdje treba biti istaknuta zastava ugrađuju se držači zastava.*

*Zastava se može isticati preko ulice ili trga, na stolu, bini ili nekom drugom počasnom mjestu.*

*Zastave se ne mogu upotrebljavati na javnom mjestu ako su oštećene ili svojim izgledom nepodobne za upotrebu.*

#### **Član 64.**

*Organizacije i lica iz prethodnih članova dužni su postaviti zastave, očistiti i dekorisati objekte 24 sata uoči praznika, drugih značajnih datuma i svečanosti.*

*Izvešene zastave i dekoracije se moraju skinuti u roku od 24 sata po isteku državnog praznika, odnosno proslave drugog značajnog datuma i svečanosti.*

#### **Član 65.**

*U dane žalosti, zastave se ističu na pola koplja.*

### **14. Uredjenje ograda, vrtova, voćnjaka i drugih površina i prostora**

#### **Član 66.**

*Vrata i kapije uličnih ograda, ograda u naseljima i svih drugih ograda (bez obzira da li se radi o ogradama trajnog tipa, pokretnim, privremenim i drugim) ne smiju se otvarati do javnih saobraćajnih i drugih javnih površina, kao i van naseljenih mjesta uz nekategorisane ceste, saobraćajnice i druge javne prolaze, ukoliko svojom dužinom prilikom otvaranja zahvataju cestovni pojas.*

#### **Član 67.**

*Vlasnici živih ograda (živica), stabala, nasada i drugog rastinja zasadjenog na zemljištima uz javne saobraćajne i druge javne površine, kao i uz putni pojas nekategorisanih cesta, dužni su iste redovito održavati i orezivati na način da se ne remeti normalan promet vozila i pješaka, odnosno ne narušava opći izgled i uredjenje.*



*Krošnje stabala iznad kolovoza nekategorisane ceste moraju se orezivati da se obezbjedi slobodan prostor u visini od najmanje 4,5 m (slobodan profil puta), računajući od najviše tačke kolovoza.*

*Ukrasne ograde (živice i sl.) i druge ograde pokretnog tipa (za koje nije potrebno odobrenje ili urbanistička saglasnost nadležnog općinskog organa za postavljanje) uz javne saobraćajne površine u zoni ulaza u raskrnicu ne smiju svojom visinom onemogućiti preglednost saobraćaja.*

#### **Član 68.**

*Dvorišta, vrtove, voćnjake, neizgradjena gradjevinska zemljišta i druge površine i prostore ispred i oko stambenih, stambeno poslovnih i drugih objekata u gradu i naseljima, uz javne saobraćajne i druge javne površine, dužni su održavati urednim njihovi vlasnici, odnosno korisnici.*

*Održavanje podrazumijeva čišćenje i uklanjanje svih vrsta otpada, odlaganje predmeta i stvari na estetski zadovoljavajući način, uklanjanje korova, košenje trave, uklanjanje šikare, rezanje suhih grana i druge radnje koje zadovoljavaju opći izgled i uredjenje.*

#### **Član 69.**

*Redovno uklanjanje do potpunog uništenja alergogene korovske biljke ambrozija na zemljištu u sklopu javnih saobraćajnih površina (cestovni pojas nekategorisanih, kantonalnih, magistralnih i drugih cesta i slično), na zelenim i drugim javnim površinama u gradu, naseljima i na ostalom području općine, vrše pravna i fizička lica kod kojih se te površine nalaze na upravljanju i održavanju.*

#### **Član 70.**

*Komunalni inspektori rješenjem nalažu mjere iz člana 67. ove odluke po izvršenim pregledima i dostavljenim zapisnicima o pregledima komunalnih redara kada se radi o javnim saobraćajnim površinama (nekategorisane ceste, gradske površine u sklopu ulica i javnih komunalnih objekata) i drugim javnim i zelenim površinama u gradu, naseljima i na području općine kojima upravlja Komunalno-stambeni fond.*

### **15. Posebne mjere zaštite komunalnog reda**

#### **Član 71.**

*U cilju poboljšanja opšteg izgleda grada i naselja, zaštite i održavanja komunalnog reda, zabranjuje se:*

- 1. svako oštećivanje, prljanje i šaranje kolovoza, trotoara, ivičnjaka, odvodnih kanala, spoljnih dijelova zgrada, fontana, oglasnih tabli reklamnih panoa, firmi i drugih sličnih natpisa, trgova, parkova i drugih javnih objekata, uređaja i mjesta,*
- 2. bacanje otpadaka u rijeke, potoke, šahtove, slivnike, fontane i sl. objekte,*

3. oštećivanje i uništavanje vodovodnih i kanalizacionih instalacija (fontana, hidranata, poklopaca, slivnika i dr. instalacija),
4. vršenje utovara građevinskog i drugog materijala i obavljanje drugih sličnih radnji bez prethodnog preuzimanja mjera zaštite kolovoza, trotoara i zgrada,
5. preduzimanje bilo kakvih radnji (prevoz, utovar, istovar, montiranje – demontiranje i sl.), koje mogu da ugroze saobraćaj i onemoguće parkiranje motornim vozilima, nesmetan prolaz građana kolovozom i trotoarom, ukoliko za takvu radnju ne postoji odobrenje nadležnog općinskog organa,
6. cijepanje i pilanje drva, razbijanje kamena i obavljanje sličnih grubih radova na kolovozu i trotoaru kao i vršenje drugih radnji kojima se oštećuje kolovoz i trotoar,
7. kretanje građevinskih i drugih vozila i mašina sa pogonskim točkovima koja imaju trake (gusjeničari), bez preduzimanja potrebnih mjera zaštite, po kolovozu i trotoaru,
8. postavljanje reklamnih panoa, transparentata i natpisa na trotoarima, trgovima, ulicama i drugim javnim površinama, bez ili suprotno odobrenju nadležnog općinskog organa,
9. oštećivanje, bojenje, prljanje, šaranje, premještanje, lomljenje i uništavanje opreme za regulaciju saobraćaja (saobraćajni znaci, vertikalna i horizontalna signalizacija), opreme za dodatnu regulaciju saobraćaja i putokaza.
10. betoniranje ili asfaltiranje kolovoza za prelaz preko ivičnjaka,
11. postavljanje ograda od bodljikave žice do površina javnog saobraća
12. Oštećivanje, uništavanje spomenika, skulptura, spomen-ploča ili na drugi način narušavanje njihovog izgleda;
13. Odlaganje gnojiva sa izrazito neugodnim ili štetnim mirisima na javnim površinama i zemljištima do javnih površina (djubar kokinovac i sl.), bez obezbjeđenja uslova zaštite od širenja neugodnih i štetnih mirisa;

## ***Glava treća - Nadzor***

### ***1. Upravni nadzor***

#### ***Član 72.***

*Upravni nadzor nad provođenjem ove odluke vrši Općinski organ uprave nadležan za komunalne poslove.*

### ***2. Rad komunalnih redara***

#### ***Član 73.***

*Poslove komunalne kontrole nad provođenjem odredaba ove Odluke u skladu sa članom 70. Zakona o komunalnim djelatnostima („Sl.Glasnik USK-a“,br.4/11) i ovlaštenjima iz člana 71. istog Zakona obavljaju komunalni redari.*

#### Član 74.

*Redari u skladu sa ovlaštenjima putem Zapisnika nalažu izvršenje određenih mjera i radnji.*

*Pravna i fizička lica dužna su obavijestiti redara u vezi izvršenja naloženih mjera u ostavljenom roku.*

#### Član 75.

*Subjekti kontrole dužni su redaru predočiti na uvid tražene podatke i isprave ili iste dostaviti naknadno u ostavljenom roku.*

*Isti su dužni redaru omogućiti nesmetano obavljanje nadzora, pristup prostorijama, objektima, zemljištima, uređajima i napravama, davati osobne podatke i druga potrebna obavještenja o predmetu nadzora, na način da ne sprečavaju i ne otežavaju njegov rad.*

### 3. Inspekcijski nadzor

#### Član 76.

*Inspekcijski nadzor nad provođenjem ove Odluke vrši općinska komunalna inspekcija u skladu sa odredbama Zakona o komunalnim djelatnostima i Zakona o kantonalnim inspekcijama Unsko-sanskog kantona („Sl.Glasnik USK-a“, br.12/11).*

*Poslove komunalne inspekcije obavljaju komunalni inspektori.*

#### Član 77.

*Komunalnim inspektorima u obavljanju poslova inspekcijskog nadzora pomažu komunalni redari.*

*Ako je komunalni inspektor ili redar u svom radu onemogućen pružanjem fizičkog otpora ili se takav otpor osnovano očekuje, mogu zatražiti pomoć nadležne policije usmeno ili pismeno.*

### 4. Kaznene odredbe

#### Član 78.

*Novčanom kaznom od 3.000,00 – 8.000,00 KM, kaznit će se za prekršaj pravno lice, ako postupi protivno ili se ne pridržava odredaba iz člana: 7, 16, 17, 20, 22, 29, 30, 33, 35, 38, 44,45. stav 2., 46.stav 2., 48, 50, 56. stav 1., 75 i 77. stav 2.*

*Novčanom kaznom od 500,00 – 1.500,00 KM, za prekršaje iz ovog člana kaznit će se i odgovorno lice u pravnom licu.*

#### Član 79.

*Novčanom kaznom od 1.500,00 – 3.000,00 KM, kaznit će se za prekršaj pravno lice, ako postupi protivno ili se ne pridržava odredaba iz člana: 23, 24, 25, 26, 27, 28, 32, 34, 37, 39, 40, 42, 43, 46.stav 3., 49, 53, 54, 55, 56. stav 2., 57, 58, 59, 63, 64, 66, 67, 68, 69, 71 i 74. stav 2.*

*Novčanom kaznom od 300,00 – 600,00 KM, za prekršaje iz ovog član kaznit će se i odgovorno lice u pravnom licu.*

#### **Član 80.**

*Novčanom kaznom od 1.000,00 – 3.000,00 KM, kaznit će se za prekršaj obrtnik ako postupi protivno ili se ne pridržava odredaba iz člana: 7. stav 2., 16, 17, 20, 23, 24, 25, 26, 27, 28, 30, 33, 34, 35, 37, 38, 39, 40, 42, 43, 46. stav 2., 48, 49, 53, 54, 55, 56. stav 1., 57, 58, 59, 62, 63, 64, 66, 67, 68, 69, 71, 74. stav 2., 75 i 77. stav 2.*

#### **Član 81.**

*Novčanom kaznom od 300,00 – 600,00 KM, kaznit će se za prekršaj fizičko lice ako postupi protivno ili se ne pridržava odredaba iz člana: 16, 17, 33, 35, 38, 39, 40, 48, 53, 74. stav 2., 75 i 77. stav 2.*

#### **Član 82.**

*Novčanom kaznom od 100,00 – 300,00 KM, kaznit će se za prekršaj fizičko lice ako postupi protivno ili se ne pridržava odredaba iz člana: 23, 24, 25, 26, 27, 28, 32, 34, 37, 42, 43, 49, 53, 55, 57, 58, 59, 61, 63, 64, 66, 67, 68, 69 i 71.*

### **Glava četvrta - Prelazne i završne odredbe**

#### **Član 83.**

*Općinsko vijeće na prijedlog Općinskog načelnika u roku od 90 dana, od dana stupanja na snagu Odluke o komunalnom redu, donijet će općinske propise od značaja za provođenje ove odluke i to:*

- 1. Odluku o privremenom zauzimanju javnih površina na području općine Cazin;*
- 2. Program zauzimanja javnih površina na području općine Cazin i po potrebi druge Programe;*
- 3. Program lokaliteta za odlaganje ogrjeva u dvorištima zgrada za kolektivno stanovanje u kojima ne postoje podrumi ili za to posebno uređenje prostorije;*

#### **Član 84.**

*Danom stupanja na snagu ove odluke prestaje da važi Odluka o komunalnom redu („Službene novine općine Cazin“, br. 3/07).*

#### **Član 85.**

*Ova Odluka stupa na snagu osmog dana od dana objavljivanja u Službenim novinama općine Cazin.*

*Broj: \_\_\_\_\_/11  
Datum, \_\_\_\_\_ 2011. god.*

**PREDSJEDAVAJUĆI VIJEĆA**  
**Ćoralić Haris**

## **Obrazloženje**

### **prijedloga Nacrta Odluke o komunalnom redu**

**Postojeća Odluka o komunalnom redu** usvojena je na XXVII sjednici Općinskog vijeća održanoj dana 15.05.2007.godine i objavljena u „Službenim novinama općine Cazin“ broj 3/07.

**Potreba za donošenjem nove Odluke o komunalnom redu** je uskladjivanje iste sa novim kantonalnim Zakonom o komunalnim djelatnostima koji je objavljen u Službenom Glasniku USK-a, br.4/11, od 23.marta 2011.godine.Po tom Zakonu općine su dužne najkasnije u roku od jedne godine od dana stupanja na snagu zakona, uskladiti svoje postojeće propise iz oblasti komunalnih djelatnosti.

Članom 57.stav 3 .istog zakona je određeno da komunalne djelatnosti zajedničke komunalne potrošnje čije se obavljanje odnosi na komunalni red, odnosno javne površine općina bliže reguliše odlukom o komunalnom redu, a članom 67., određena je obaveza općine o donošenju Odluke o komunalnom redu sa propisivanjem odredaba o uredjenju naselja,održavanju čistoće i čuvanju javnih površina, korištenju javnih površina, skupljanju, odvozu i postupanju sa skupljenim komunalnim otpadom, uklanjanju snijega i leda, uklanjanju protupravno postavljenih predmeta, postavljanju i održavanju urbane opreme na javnim površinama, mjere za provodjenje komunalnog reda, rad komunalnih redara,kaznene odredbe, kao i druge odredbe o uredjenju naselja zavisno od specifičnosti izgradnje i uredjenja pojedine općine.

**Prijedlogom Nacrta nove Odluke o komunalnom redu** reguliše se obavljanje djelatnosti zajedničke komunalne potrošnje zanačajnih za održavanje i zaštitu komunalnog reda i javnih površina (član 3.Nacrta Odluke), kao i prava i obaveze pravnih i fizičkih lica u vezi s time.

Nadzor nad provodjenjem Odluke obuhvata Upravni nadzor, Rad komunalnih redara, Inspeksijski nadzor, Kaznene odredbe i Donošenje normativnih akata od značaja za primjenu ove Odluke.

**Pravni osnov za donošenje Odluke** je član 8. i 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, br.49/06), član 21. Zakona o lokalnoj samoupravi („Službeni glasnik USK-a“, broj: 8/11), član 57., i 67. Zakona o komunalnim djelatnostima („Službeni glasnik USK-a“, br.4/11), člana 4. Zakona o prekršajima („Službene novine Federacije BiH“, br.31/06), a u vezi sa ciljevima iz člana 1. i 2. Zakona o zaštiti okoliša („Sl.novine Federacije BiH“, br.33/03) i član 24.stav 1.,tačka 2. Statuta općine Cazin („Službene novine općine Cazin“, broj: 13/10).

**Obrađivač:**  
Komisija za izradu Nacrta  
Odluke o komunalnom redu

**Predlagač Općinski načelnik,**  
Mr.Nermin OGREŠEVIĆ

